


納蘭性德與樂靜堂集

四明盧氏抱經樓藏鈔本



序

愷功為宰輔明公之子余同年侍中容若
之弟友人查夏重亟稱其詩謂用力於沈
花昌黎之學者也余去國之日風蕭水寒
景淒物其平生故舊無一人肯執手相送
夏重恐余有不釋然者賦詩八章贈別皆
徵音也猶不自己時、誦愷功佳句以悅
余懷曰是可以當渭城矣其聲琅、出金



石使予蹶然而起曰索全集讀之如九皋
久鶴唳徹于天而霜清露白也如紫府仙
人雪月交光而獨立瑤臺之上也至其興
寄所托嘗游心物表遠出埃壘之外直欲
土苴鐘鼎而糠粃富澤也者噫抑何異也
表姨范方仲近從愷功遊為言愷功雖居
烏衣朱桁而意致蕭閒嘗若在灞橋風雪
中夫人久性情誠有不為鐘鼎富澤所囿

者唐李愿乃西平王晟之子也勲爵殊貴
而韓愈作序送之言其志在茂樹清泉採
山茹水視夫曲眉豐頰粉白黛綠之屬棄
猶涕唾然愿不能詩而愷功以工詩著風
流文采其賢于愿也遠矣余將持此集南
去慮如洛翁書翰遭江神久忘不得已仍
擲還夏重迴環把誦不忍釋手聊題數語
卷後以見余傾倒于愷功之意春颿一逝

停雲無限愷功其能賦詩贈余行否耶
年家弟徐倬拜撰

樂靜堂集

卷中

遊燈市遇雪

納蘭揆叙字愷功



野色蒼々一望同重雲遙隱日朦朧間遊不礙沾衣
雪薄醉旋添拂面風多感盤飧叨地主却陰將晦怨
天公銀花彩勝虛填市惆悵歸途跨玉驄是日有一
富賈盛設
飲食相邀故
詩中及之
風

灰洞從來已閱春，狂飈何苦又魚旬。
花回霧重消丹粉，柳為寒多褪麴塵。
學轉雛鶯難自主，試飛乳燕却依人。
驚沙滿目無由避，袂還應到水濱。

春日遊園

春風步履踏莓苔，流水池塘自溯洄。
花吐輕紅邀蝶住，柳含新綠待鶯來。
多愁已許頻吹笛，無事何妨數舉杯。
薄暮欲歸還佇立，夕陽傳語莫相催。

早春園居即事

二首

烟塵慘淡日無暉，絕到園林便憶歸。
池滿惟看搖日影，柳多翻覺助風威。
鶯簧尚澁難成轉，蝶粉全消亦懶飛。
應是餘寒多戀客，春深猶未換輕衣。

其二

封姨乍意礙清遊，颯颯驚沙怒未休。
風墮好花誰解語，塵埋新草豈忘憂。
水聲春漲宜移擢，山色雲藏不入樓。
一枕晚窓殘夢斷，角聲吹處似高秋。

和揚芳公遊園次原韵

二首

好風遲日曲欄邊
淨洗烟氛雨後天
拾翠未看車似
水踏青偏愛騎如
船行逢舞蝶隨衫
袖卧聽流鶯當
管絃縱說塵緣消
未盡也應情味比
遊仙

其二

小築斜依水石邊
韶光初到暮春天
竹鷄啼午聞村
巷鷦鳥銜魚避釣
船得酒不妨頻洗
盞有琴何必更
張弦隔林一曲翻
多事未許清音托
水仙

夏日園居雜興八首

歌蒸六月畏朱明
解愛園林少俗情
殘雨蘆纖和霧散
夕陽隱見為雲輕
近秋漸冷鳴蟬竟
入夜初停吠蛤聲
此去青門總數里
便看晨夕異陰晴

其二

蕭颯先驚客意秋
且携枕簟俯晴洲
林間露滴初驚
鶴道上泥深欲汗
牛風颺柳枝青
縷颭雨傾荷葉碧
珠流登臨雙屐休
辭倦結伴西山訪
惠休

其三

重來僻境轉喧譁
贈繳終施數畧加茂樹摧殘憐鳥
雀清谿驚逸到魚蝦
雲生嶺上衣相似塵起階前扇
每遮歌吹聲聞定何處東西原近五侯家

其四

游龍流水羨鄰居
如此繁華畜眼初
青巔幾時誇盛地
來輪竟日咽比閭
飛梁曲磴臨池迥
高閣迴廊隱樹虛
富貴循環如傳舍
亭臺容易作丘墟

其五

槩几紗窓日論文
無端錦雨墮閒雲
霏微淋慢秋前冷
滴漉侵階夜久聞
嶺樹參差烟莫辨
野田高下水難分
只今天漏知誰補
極目桑榆望又曛

其六

眼邊塵俗溷風流
喧點前賢尚未休
誰見藝林能涉獵
徒誇學圃恣探求
家貧自享千金帚
力盡難成一版裘
萬古江河原不廢
任他撼樹有虬蟠

其七

指點園林老画師天涯孤棹再來遲傷心盛夏成遷
逝回首芳春憶別離黑石峻嶒猶故物種挑天袞又
新枝霸視零落知何在歸向華亭鶴唳時雲間葉兆
為余家菜
園歸後舟至京
師歿於涿州

其八

秦苛煩酷曉逾增兀坐虛堂第幾層
展席恰宜臨碧沼解衣直欲掛蒼藤
林鳥時穿經橋聚行魚偶入層
向晚涼風吹雨度忽教暑月以懷冰

咏簾十二韻

誰製玲瓏巧煩將繡幄圍商飈晨動影孤月夜通暉
柳暗曾分綠花明憶染緋繽紛慚錦幕輕軟讓羅幃
似水魚無隔如烟看却非窺應憐賈氏李義山詩擲

少淚亦灑湘妃有隙愁蜂入頻開許燕歸未須釘玳
瑁何用飾珠璣衫薄愁風動燈昏怕雨霏雙鈎魚霧
捲一室鎖香激動處重紋細垂時疊浪稀藏來通半
面歌舞暫為衣

蛩聲

幽情哀怨定何日
林下偏知入夜親
片月浸簾天似水
孤燈照壁影隨人
漸依清漏吟還細
下逐寒砧響更頻
生性自隨淒愴候
可憐無分識陽春

菊花

木落波澄徑轉幽
翻從蕭瑟得清遊
籬邊坐久携盈把
野外歸遲插滿頭
風雨不曾辜九日
冰霜直欲傲三秋
朝華夕秀還相抵
未便春容獨擅優

秋晚重到園中 二首

窮秋光景剩無多
蕭瑟園亭感再過
兩岸疎黃全染柳
半池殘綠早凋荷
淵魚就暖爭依藻
山鳥衝寒但覓窠
歷々尋遊皆往事
長繩那得挽羲和

其二

細雨斜風起曉侵
繽紛黃葉墮疎林
雲生遠岫山疑
複月射清池水較深
候雁哀鳴偏到耳
隙駒易過轉
驚心悲涼天氣非
疇昔感慨應同後
視今

紅葉

錦繡園亭火繖張西風搖動漸飛揚山中曉醉千林
日江上寒經幾度霜隨意飄來深院裡無情流向曲
池傍尋遊多少停車客不為清暉亦澹忘

觀燒山

霜林秋曉風刮沙老葉著樹如春花漁叟漸露石磊
落雲豁稍見山嵯岬蒼然暮色自遠至高低巖谷相
周遮鬱攸飛爆何處起半天光燄浮朱霞回旋離合

繞榛莽吞吐爛熳延蓬麻向空亂擲鼠火鼠捲地一
掣騰金蛇穿林轉壑下明威流星碎月爭紛擊三窟
尚愁失狡兔滿枝豈獨驚寒鴉餘殃正欲恣魚鮪遁
跡無計由磨磨劇憐芳草最辛苦王孫美人曾見誇
車輪馬跡悵踪踐塵埃埋沒無容華淒清既經白露
濯凜冽復被狂飈加一年此厄尤慘烈殘灰餘燼空
谷嗟詩成了、識生意春風吹動重萌芽

和唐先生雪用坡公聚星堂韻禁體物語

靈臺分節書雲葉呈祥表瑞田寒雪風高霧密亂漉
浮夜以霏：仍不絕高低變態轉猖狂遠近班形隨
曲折坐中微暖樽未空堂上輕寒燭旋滅殘更幽夢
自慵騰歲事縈身更牽掣尚憑簾幙護溫磨寧暗芳
華散輕纈行時九陌定無塵灑遍群山盡飛屑天公
先已富儲胥碎米繽紛任飄瞥蘇詩暮雪紛紛投碎米明年豐
稔預可期舊事曾聞遺老說曉來火急正催詩冷硯
欲書凍如鐵

和楊芳公至日雪次原韻

激霰飄零應歲華雙眸凝望欲生花穿窓亂墜初疑
絮拂檻旋消詎比麻謝惠連雪賦曹朔雁去時雲作
風以麻衣比色伴寒鳥歸處樹為家陽和玉管回調律樂事從今未
有涯

歲晚重到園中二首

歲寒出郭異探春多謝飛翼為灑塵郊野屢過成熟
路田家相勞足比隣重裘以著膚仍采宿火長存手

未龜但使山林容寄傲何妨生計伴松筠

其二

重來亭館倍無聊未信愁懷酒便銷
野外寒暄留積雪樹頭急響助迴風
依簷低語憐雙雀過嶺高盤有一鵬
遊賞豈閑殘臘事川原終日對蕭條

和唐先生雪次東坡韻二首

舞風作態總輕纖憑仗醇醪為解嚴
四野任投雲母屑千家均灑水精盃
驚鴻嚮暮難棲渚凍雀凌寒只

傍簷漫說明年芳信早萌芽強半失
勾尖韓昌黎苦寒詩萌芽
尖大勾

其二

翻飛匝樹亂歸鴉霧重雲繁隱日車
方訝天寒投碎米忍疑朔候看飛花
黑甜夢醒驚千斤白戰風流自一家
遙憶灞橋吟興好披裘策蹇過三叉

再次東坡雪詩韻二首

縈松被野復廉纖霜女漫巡欲遊巖
飄去灑燈非玉

羽掃菜煮茗點薑鹽蘇詩一半已薑鹽前竹低欲折仍依檻
梅凍初含未放簷待得無風雲四散屋頭銀筍看垂
尖

其二

天未驚颼急暮鴉東阡南陌斷行車氣侵宿火埋無
燄寒逼孤燈暗有花金草淺斟娛貴室茅擔低壓卧
貧家画屏圖取漁篋景拂壁還看上玉義李義山詩
义即画也

歲暮書懷二首

歲暮光陰倍悵悵卧看斜月小窓西風高怨鶴迎寒
語霜重驚鳥徹夜啼寥落城頭停鼓角喧闐陌上動
輪蹄趨朝珂傘夕晨起未抵關人尚掩闥

其二

幽居寂歷苦無隣敢望桓譚賞絕倫習俗平時憎俊
異篇章近日少清新臨書閣閉後脂塞落筆迂疎盡
腹貧事出南華非隱僻狂將狐穴笑詩人唐末有喬子曠者作

詩喜用僻事時人
號烏狐穴詩八

次韻東坡饋歲同唐先生作

節候行道盡慰勞各有佐
瑯盤設佳肴懿筐列奇貨
酬酢各克庭豪侈務張大
頤學王濟奢孰問袁安卧
送迎紛無停喧呶妨獨座
拒救當人情玉屑飛白磨
我性多迂疎掩閨少經過
篇章自沉酣孤吟敢求和

次韻別歲

小小好嬉戲歲月恒覺遲
及茲漸長大光陰悔難追

來日雖易得去日渺無涯
華堂秉蘭燭行樂恐後時
新歌雜絲竹酌醴烹鮮肥
放曠漫拘束舒嘯莫傷悲
夜久却起立股動前致辭
羲娥尚可駐體貌終無衰

次韻守歲

歲序凋萸莢嚴冬蟄龍蛇
一時便遷易百計後周遮
年光劇彈指痛飲當無何
明燈坐促席笑語聲喧譁
響卜事未憑如願灰空撮
但期稍安閒羲馭旋飛斜
卷帙庶探討心志豈蹉跎
恥與輕薄曹紕綺相矜誇

梁靜堂集
癸酉

新正書懷

納蘭揆叙字愷功

敲石光陰過眼徂門扉重值換批符驟迎新歲疑生
客屢見初陽只故吾輕暖未歸梁上燕薄寒猶匝樹
頭烏梅花莫倚含春早消息還須訪地爐

元夕

城市年來寂不喧新春樂事在知魚星球半夜爭飛

舞火樹千里互吐吞節物賞心誰惜費繁華轉眼便
無痕明朝再過謹吸地雞犬聲聞但一村

食回會柑

宦宮欣承萬里貽遠來猶及上元時唐時上元傳相微嫌金
醴酸相似松陵集蓬萊尚嫌酸却比黃橙色未移三寸豈甘
輕抵鵲一雙苗取待聽鸚鵡香霧輕冬在絕勝姿

天學荔枝

東坡咏相詩香霧霏：欲喫人

書感

平生嗜好遠翫塵識面知誰可卜鄰杜詩李邕求識面王翰願卜鄰
力少已甘輪健婦北史崔浩傳且稟人性慵終擬作
閒人撐腸書要窮千卷試手方難挽六鈞惟有學成
期自殖旁觀非笑任無回

閩打鳥

隔谿終日火攻頻弱羽離從莫底身樹聽碎句違靜
晝山稀格磔負芳春微生那免庖厄一念終傷造
化仁怪底忘執無海客從今飛鳥悔依人

喜查天子至都二首

放將踪跡徧雲山
楚尾吳頭數注還
行客久忘千里遠
居人慚負六年閒
登臨興在身逾健
吟咏心疲鬢已斑
携得錦囊詩句好
匡廬咫尺卧遊間

其二

春風重喜到燕山
絕却行裝又擬還
客為著書妨作達
境因多事轉思閒
雕龍人已驚千變
窺豹吾猶愧一斑
今日相逢仍道故
心情悽斷別離間

題查天子放鴨圖四絕句

一笠朝來坐柳陰
養馴野鷺作家禽
柴荆想在溪南北
只隔烟波不易尋

其二

綠頭一色映清波
曲岸平沙取次過
解愛羽毛語野性
笑他句句促事籠鵝

其三

菰米秋風飲啄便
葦間終日伴延緣
兒童莫放挑弓

射驚起鳧翁不得眠

其四

也知随意向江邊怕說乘流直到天
李曰詩解天一乘流直到天一
陣蘆花如急雪西風吹轉橈頭船

次韻查天子雨後納涼

林外遙山露一層雨餘渾欲滌敲蒸風吹曲岫高低
柳月淡孤村隱見燈池蛤夜深爭作響塞鴻秋信尚
無徵未知酬唱情多少詩卷行看次第增

送唐先生遊江西二首

聚首無多分手頻浮生離合總前日曾為燕市遨頭
客要作廬山識面人道遠敢辭衝急雨江清猶得浣
征塵遲留縱有登臨興莫忘天涯惜別晨

其二

綠陰回合覆村扉秋氣初生暑氣微北牖正宜安几
榻南郊何意動駸駸官非提往難爭進客有紆途且
暫歸白髮定知無恙在春風重望理征衣

大雨行

黑雲翻墨天垂波陰森一氣藏羲娥震山擺樹風力
猛角羊鼓舞龍騰梭牛鬼蛇神逞變怪雷公電母齊
麾呵半空交加驚礮火終夜碎擊紛千丈衝泥鼓石
勢未已產蛙沉竈將誰何根莫萎敗幽澗草莖葉漂
矣池塘荷明：造物不汝惜况復美種憐嘉禾憶得
前年值夏旱災官號令方煩苛蟻封礎潤事莫驗而
况下策刑蒼鵝今年淫潦乃如此傾倒直恐翻明河
竟湯水旱占亦有豈盡人事乎天和民愚何足以語
此暑雨咨怨違知他

夜宿青石嶺

蕭索寫廬畔含悽悔別家
亂雲寒吐月宿霧夜沉沙
片影千山雁秋聲几處砧
殘燈偏慰客猶放一枝花

臂鷹

平昔論情性篇章願結鄰
衣裘寒不御燈火夜相親
握管寧離手探書要寄身
如今違宿好來作臂鷹人

九月朔接邸報知查夫子舉京兆喜而有寄
但是成名那論遲飛黃况復指前期劉幾莫笑名曾
改潘岳應傷鬢有絲絕塞一燈花發後故鄉九月雁
來時南歸預遣書相約最喜郊園榻未移

野花

山路高低草淺深野花一帶傍疎林無名到處吾能
辨不是青囊即早金青囊早金塞外花
名並見五代史

重陽塞外作

紆迴細徑入秋毫
不許征人輒告勞
過澗旋風生馬足
滿空飛雨墮鷹毛
寒催紅葉稀
砧杵節負黃花欠
蟹螯一事猶堪消
客恨亂山隨處便登高

次查夫子大風至郊園韻

噫氣吹空湧怒潮
重來光景恨攀條
時余初從塞
外歸故云

啼號屋鴉聲惡
狂吠迎門人意驕
落葉堆邊僮掃徑
流澌影裡客過橋
殘年準擬尋前約
早晚批燈慰寂寥

寥

題姜西溟洞庭秋望圖

具區水浸東南天
玻璃千頃光澄鮮
霜風一夜忽吹
淺北雁下食菰蒲
田莫釐峰高插霄漢
放眼直到秋
毫巔夕陽倒投萬丈底
七十二點浮蒼烟
我聞此語
身未到好景敢信傍人傳
乍披橫卷重太息萬象空
湧如當前先生筆力固奇縱
懷抱蟠鬱皆山川風雲
吐納入變態追逐作者應
差肩半生蹉跎困場屋踪
迹偶寄江湖邊平時放曠不
隨俗臨老世經翻拘牽

目前一第豈增重
文士晚節天應憐
功名但恐妨作
樂悅悵夢境同遊仙
何當置身果在此圖裡也
應招
我並上蘆中船

雪中楊次也同顧書宣見過次也有詩即依原

韻奉答

薄霰迴風逼歲蘭
開門一夕暫邀歡
談深密座爐長
暖詩到豪吟氣不寒
綠蟻三升開雪甕
紅鱗半尺上
水拌郊園花信垂
近來興須借二妙看

次韻答顧書宣

縞帶相逢事不輕
玉山朗映人清詩才貯錦偏輸
料書格簪花亦借評偶枉高軒貪掃徑敢從聯壁許
償城也時同揚次十年執戟吾慚甚欲賦長揚奈未成
來詩有錦鞬倍獵沫君事要博長楊一賦成之司故云

次韻查天子重宿傳經書屋有懷唐先生時方

客遊江西

燒殘樺燭篆烟濃
歌枕重聞隔寺鐘
忽憶故人江介

去夢隨小雁過爐峰用長吉詩語

與吳元朗別後却寄

久熟詩名見面賒
忽驚曲卷在高車
不爭高第誇才子
難得文人出世家
別路重牽十年夢
鄉心先起一園花
得歸且作騎驢去
宦海他年豈有涯

查天子為余刪定雞肋集賦此志感

甘苦旁觀或未知
偶從句內更談棋
敢云刻鵠形差肖
若論雕蟲技總卑
絳帳春風今夕話
綠窓殘雪去

年詩空由指葉成何用回首迷途悔已遲

斷硯歌為西溟賦

姜君才思通杳冥筆鋒奮迅如發硯又如天馬騁絕
足追風解電勢莫停硯田一片歲自給豈有災異書
秋蟬端溪美石天所予波紋外潤中涵星不知何年
遇巧匠刻削純朴成瓏璪小池忽開碧眼碧密藻細
吐青花青晴窓朝來日色好手搨硬紙臨黃庭摩挲
把玩意未足曾乞妙手摹其形近傳箱篋失名繪恍

惚變化隨仙靈風塵幾別抱璞足霜雪每鍛摩天翎
中書頭禿壺口缺此硯那得逃天刑一聲失手忽墮
地巨斧中劈疑驚霆乃知人生尚如寄何況外物同
流萍浮漚勾滅偶然事擾々大夢行當醒危金玉碎
兩無與肯為頑礦傷凋零

西溟舊有條硯圖予幼時
曾及見今聞已失去故篇

之中及

謝人餉菜

西風送輕寒霜露下百草東籬餐落英南畝收餘稻

次第剪園蔬誰能待枯槁打翁生理薄愛惜比梨棗
年荒穀不登續食復稍：連車載入市菜色不得飽
媿我賢友生分遺感懷挹味潤含上膏氣清壓水茹
人間無正味欣厭視多少鼎肉苟未嘗藜藿亦甘好
如何營口腹嗜欲徒紛擾

至日西溟枉顧適齋中盆梅盛開因言句在点
師欲作梅花賦以寓南客北來憔悴無依之意
至今未果予聞其言有深感焉故作詩以記其

語

君不見鄧尉峰頭梅萬樹蔽野漫山不知數溪迴徑
轉便送離人似批瀆惑歸路移根燕市絕可惜朔氣
稜々逼凝沍地爐暖借簾幕圍水檻幽隨盆盎貯向
來灰洞塵如海白日無風散黃霧素衣猶自化成緇
那得孤花尚如故豈惟客土違本性兼恐水姿遭外
汚佳人倚竹私自憐袖薄天寒傷日暮又離憔悴依
稀似沈落無端兩相遇詩成寄與葦間翁火急須催

廣平賦

西漢有詩贈次韻答之

近來海內推知名文籍先生素儒雅不同蜀客遲更
工調出却人和彌寡襟披冰雪自瑩淨紙落雲烟在
揮灑千仞奇峰吳兀高百灘急浪紆回瀉不知前輩
格誰並若數同流材盡下憶自垂髫初識君佳譽傳
聞信非多一時賓侶皆眼見想像粗能追昔者有如
肅：宗廟中古器依稀辨樽斝

晉書裴楷嘗曰肅：如入宗廟

中但見禮樂器自從墜哭兄淚綠水亭荒廢遊冶酒徒星

散去江湖題壁殘篇半掃檣君窮欲學乞米顏我幼
難隨問事費十年踪跡悵遐隔倏流光飛野馬初
聞行李來涉春正喜公車由過夏別經秋塞書未達

歸及冬缸臂重把外余初冬始歸塞中感舊大可憐

餘論謙：蒙見假長歌辱贈何以報永好終期結詩
社簪肩雖誦過三更落月寒光穿紙尾向來聚散置
勿道哀樂從今賴陶寫

朔氣

朔氣凝嚴戟齒牙閉門直是怕風沙霜威苦逼棲簷
雀歲事頻催赴壑蛇柘柳耐寒仍瘦影老梅入臘又
疎花分陰過眼原當惜不為桑榆日易斜

次也以冊索書賦贈二首

關西舊聞家聲譽著當代吾子擅英才葩華絕荒穢
雄篇掃塵埃秀句出肝肺清如水迢遞深作雲漢霽
脩幹挺竒姿幽花蓄妍態餘事到行書清絕尤可愛

邇來稱名工俗學半茫昧好新苑剝蕉求益寧賣菜
瑠鏤落纖軟華飾務紛縵分門各相攻屬意鮮有在
君能漏沿習獨立遠流輩嚴冬忍過我結念快披對
是時天微雪狂飈號大塊差足比延枚敢勞誇訪戴
別來忍月餘鄙吝生恐再何當永卜鄰外務謝一柴
龜勉從君遊車書敢忘載

其二

古來善書者汪：擅全美近世夫直傳繼此復能幾

譬如學詩人剽竊當摹擬畫虎豈未成皮毛或形似
慚予不解書藏拙固初指親朋屬題卷遷延後抱耻
點染類塗鴉吾腕疑有鬼蒙君不瑕棄高論恒見齒
昨朝索手迹袖中出側理再三辭未得呵凍書其尾
何殊寒具油竟行一幅紙作詩目解嘲聊資嗚嗚耳

寒夜檢塞外舊作

清夏卧如園凜秋窮絕塞霜前葉染赤雨後峰沈黛
悲風作叫號濕霧蒸酸醜涼暄異朝暮陰晴變明晦

懸崖勢陡絕曲磴石破碎山迴跡已分路轉回旋對
疾驅忽下坂飛鳥恐不逮似別已盈三倦游寧止舟
經過雖各異險阻同一緊勞筋行未息塵面歸稍醜
新愁諒難平往事漸知悔待兔寧守株亡羊晒博塞
力難蠲夙嗜性有滯癖爰檢點篋中詩初心幸終在

歲抄重過園亭

消夏憶乘涼披衣步小喝天光與水色碎瑣蕩林樾
節序逝不由清陰乍消歇重來逼朔候靜聽風發

年詩空由指葉成何用回首迷途悔已遲

斷硯歌為西溟賦

姜君才思通杳冥筆鋒奮迅如發矚又如天馬騁絕
足追風解電勢莫停硯田一片歲自給豈有災異書
秋蟬端溪美石天所予波紋外潤中涵星不知何年
遇巧匠刻削純朴成瓏璪小池忽開碧眼碧密藻細
吐青花青晴窓朝來日色好手搨硬紙臨黃庭摩挲
把玩意未足曾乞妙手摹其形近傳箱篋失名繪恍

惚變化隨仙靈風塵幾別抱璞足霜雪每鍛摩天翎
中書頭禿壺口缺此硯那得逃天刑一聲失手忽墮
地巨斧中劈疑驚霆乃知人生尚如寄何況外物同
流萍浮漚勾滅偶然事擾々大夢行當醒危金玉碎
兩無與肯為頑礦傷凋零

西溟舊有條硯圖予幼時
曾及見今聞已失去故篇

之中及

謝人餉菜

西風送輕寒霜露下百草東籬餐落英南畝收餘稻

蕭索勿嗔故紙年：換轉眼榮枯是此途

其二

棋推盈脫算間看對尔茫：感百端不為趨炎爭熱
客敢將立伏笑言官班分劔佩晨開鎖隊領方刀夜
築壇神武門前投効少畧煩蛛網綴纓冠明說石

其三

鏤金錯彩耀寒閭各有鬚眉總一如對客愛持無鬼
論亭年誰上考功書門稀剝啄真聊爾竹報平安倘

賴渠識得目心如水意也應蓬戶等蕭疎

其四

已催殘臘又迎春依子同時好逐負點綴班行成故
事推排仕路比陳人漢廷待詔憐方朔吳市逃名識
子真借取金魚聊換酒東風吹面欲生鱗

其五

新衣絳纒兩分行長在朱樓大道旁數到門風全赫
奕傳來野史半荒唐冰霜鶴語今年冷車馬人情舊

兩涼任是椰榆應勿怪曾從噉鬼得奇方

其六

如願休擲滿把灰殷勤相勸剩餘杯
剪桐介弟分藩出擁盾將軍翊立回
坯土竇還從我塞向陽門似為君
開春城莫漫誇行樂咲指西涼假面來

歲暮得唐先生書知其來有日矣喜而賦此

今年朱夏苦炎歊坐甑翻漿汗流渾
頗愁城市氣煥鬱稍愛園林景清美
捩陰雨過初捲簾柳下風來時

渡水連牀接席數晨夕更有查田同卧起

謂他山夫子

高

談汪：傲義皇此樂人間識者幾無端別我西江去

活：泥塗戒行李君言欲上五老峰俯視林巒皆足

底海綿奇絕生平冠豈獨塵容為濯沈憐余繼作塞

垣遊出入窮巖深谷裡一秋苦霧長眯目九月層冰

欲墮指天寒絕境駭逢人日瘦空杯疑伺鬼此時忍

念南行客踪跡差池鴻萬里蒼顏白髮尚遠遊辛苦

如予固其理及歸商律倏已移轉眼光陰不停晷同

雲壓檐天急雪半夜燈花占有喜朝來剝啄聞叩門
果有長賢致雙鯉開書稠疊見君意蘇書寄煖律
回春透窓紙舊遊未散各回頭後會有期先屈指燒
燈貰酒過佳節重與紛論說經史

唐前寄詩有經史說紛論之句

愷功性嗜吟詠初從余游年十四五出語已壓時輩
余重至京師愷功詩格一變而為典贍老蒼既自悔
其少作欲盡付摧燒余語之曰昔之人有享飯帚求
奢奢者重棄舊也學問之道不進則退進者蕪新剛
退者天故步然則是編亦吾子之故步也盍存之以
自礪新研字因為芟汰十之七八名之曰雞肋集示
不忍棄之今日雪窓無事偶為點勛附志數語于後
長至後三日同學查慎行題

鷄肋集

憶梅

小隄何處尋
疎影風散
清香約畧聞
幽夢覺來人不
見月明時節
正思君

絮

到地初無力
漫空只自飛
溟濛疑雪舞
輕薄帶風歸
拂去難成片
行來易惹衣
天生非撓重
那許領春暉

納蘭於叙字愷功

簾

小閣垂簾露氣清
湘波不動有風生
輕塵已隔雙鉤
外獨倚玲瓏望月明

蓮

金塘玉漱映嬌紅
多少新粧入鏡同
最愛晚風吹酒
醒
画船香入柳陰中

喜雨

雨送微涼寂
過炎熇
渾似去秦
奇聞
聽燕語歸簾

早靜覺蛙聲隔岸
多濃翠欲添
新種柳濕紅
貧折半
開荷南樓晚坐
尤忘勸一帶
輕煙翠綠波

立秋

半年倏已過
節物莽如許
早鴈帶新涼
殘蟬送餘暑
晚來蕉葉上
雨點清可數
燈火倍多情
花穗向人吐

水仙花

青裙縞袂影珊珊
扼點檀心玉作顏
可怕水精宮殿
冷
偶携金盞到人間

雲

高連村塢下塘坳定向園亭壓屋茅夢裡瑤華梅破
萼靜中霹靂所垂梢旋携凍筆吟難忍待掃空庭惜
未教此景好從籬下得衝寒吾欲出西郊

其二

山外方知尚有山望窮銀海露孱顏
鵲舞群鴉上天矯松居萬木間
風折布帘藏酒肆煙迷曲岸轉
漁灣此中寰宇真如畫却羨扁舟獨往還

曉鐘

鐘聲晨到耳香：隔羅幃月落星猶在
風清露未稀初隨群鴈度漸逐曉煙微
忍聽輪蹄動方知昨夢非

香煙

裊：初從一縷分旋看斗室散氤氳
籠來鵲尾渾如霧吐向龍涎便作雲
曲：屏山迷斷靄重：簾幙護餘熏
不知衫袖沾多少三日猶傳坐處聞

魯仲連

蘇張范蔡亦時雄
彼此傾危事畧同
不愛千金輕祿
位畸人偏在布衣中

張子房

始受老人黃石學
終從仙子赤松遊
身名此外誰堪
並只有神仙李鄴侯

張曲江

一代興亡闕進退
祿山林甫總奸回
天如欲保開元
盛不罷荊州長史美

送他山夫子南還

終歲相依同硯席
一朝遠別思何堪
可因失意游真
倦總算歸程夢已
諳臘雪未消辭冀
比春衣欲換到
江南挑花浪拍垂
楊岸最好風光三
月三

春雲

輕陰長隔霧濃暖
欲成霞為有憐春
意休教日損花

晴雲

勢散驅除外根移
變幻間隨風吹易
斷按地去難攀

忽轉一峯峻猶餘片影聞卷舒誰似爾經雨便歸山
寄題秦氏園亭

見說名園好天然位置二山形隨徑轉泉脈過橋通
遠景千帆雨高軒萬木風平生游覽興愁過畫圖中

牡丹

忽漫花期到牡丹流連好景又春殘絕人真解憐傾
國為爾頻來笑倚欄風月暗偷杯底去繁華消得眼
前難笙歌引入神仙隊不是才人不評看

聞歌

獨夜中庭白露生歌聲遙入碧雲清
雲兒下五年猶小一曲流珠目老成

觀新稻

早稻正萐萐輕風被寵迴水邊雙鷺去柳外一人來
下溪行觀獲東屯記手栽今年書大有應不歎汗萊

夏日水

頗怪炎蒸候能令朔氣侵及時冰比玉退位火從金

色借晶盤淨光流竹簟深不須愁內熱應見歲寒心
蘭花

莫道香且夏秋來尚晚榮紫莖承露冷綠葉受風清
騷客曾為佩相君復作旌同心吾共汝耐久見交情

秋梧

還有清陰在上頭晚涼人坐最高樓碧板養得琴材
老黃葉飄來露井秋雙燕蘆花風作陣一蟬墻角月
移鉤鳳雛已去丹山遠碧落銀河夜：愁

新月

輪缺何時滿初生却傍樓空庭斜影照小院細光流
入鏡眉同曲穿簾影並鉤有人階下拜今夜始驚秋

晚晴

深秋初放霽薄暮欲收虹積雨添山翠殘霞助日紅
鴈歸蘆塞外人語稻田中里老殊過分蹄豚望歲豐

讀李鄴侯傳

赫：賢日業中興首策功仙衣披一品瓊骨領三公

受命艱難際，迴天卧起中。一朝辭世俗，歸事懶殘翁。

秋郊

角勁弦柔欲試弓，五陵原上却相逢。近郊草淺無藏
兔，遠浦雲深有落鴻。車馬暗塵流水外，樓臺秋氣暮
煙中。墻東便是鄰莊地，猶有騎牛一笛風。

秋夜有懷他山夫子

離人愁塞北，歸客滯江東。暮雨程、鴈孤燈夜、蟲
誰同吟野菊，曾記賦秋風。十月黃河凍，魚書何處通。

木瓜

不爭生帝里，偏愛產殊方。美酒江城味，秦郵有懸崖
院落香，崖山有木瓜院採應先摘，相來已近冰霜。世少
瓊瑤目，投人報敢望。

寒林

疎林冬欲暮，蕭颯映寒空。掃葉柴門外，看山小閣中。
亂鴉喧落日，獨鶴立高風。却憶芳菲日，繁陰處、同

寒月

輪安蟾正滿皎潔映簾屏
已滋竹間露况添池面水
兼風清小院帶雪冷孤燈
不及三秋景雕欄獨以凭

讀宗汝霖傳

偉畧誰堪並孤忠百世稀
金人避轉關鐵騎解重圍
辨論降王善偏裨擢岳飛
渡河功未就歎息壯心違

觀獵

獵騎前村滿紛紜一望中
雨腥鷹爪血沙漲馬蹄風
窟穴搜將盡飛鳴技總窮
不知誰射虎第一占奇功

題畫上昭君

已被畫工誤猶傳畫上名
淒涼辭輦恨寂寞去鄉情
漸覺邊風急迴看漢月明
遣行非失策留悲使傾城

剪彩花

不是無花看誰教賡奪真有技
多附麗闌彩日鮮新
四照偏驚座紛紅可當春
只憐生意少粧點總由人

春風

嬾：鞭垂陌微：袖拂沙晴舒
千樹葉暖放一園花

度沿微波起穿簾薄幌斜空歌吹不斷愛入五侯家

新鶯

何處忽飛到春歸眼暗中透簾芳草月隔院綠楊風
舊耳出杜牧集聽應熟新聲轉不窮此時人未起殘夢

隔簾櫳

冰泮

忽見曾冰釋重開冰底天蒸鱗聲潑：白鷺影翩：：
明月宜臨檻春風好放船年光隨處領先到曲池邊

送唐宴君先生南歸

經年聚首愛情真坐月吟花雨換春今夜讀書牕上
月只留花影伴愁人

西郊晚步次錢梅仙韻

渡頭雲樹遠幾：數點高峯隱暮嵐最愛河橋殘照
裡酒旗漁網似江南

碧雲寺

居然金碧壓皇州萬瓦鱗：翠欲浮鴉鵲同聲喧日

暮松杉冷氣偏人秋山從屋角初盤嶺水到門前又
泱流龍湫之水山寺泱流出至一事未消奸黨恨白碑
誰遣姓名留寺後葬魏忠賢衣冠白碑
二統無誌銘而書爵里

香山來青軒

丹梯丹井任苔封倚檻來聽枝底鐘紅日曉生天一
面翠煙晴豁樹千重閒雲出岫高樓揀野鶴歸巢俯
瞰松為語遊人莫題壁敢將蛇蚓傍蛟龍軒中懸御書

檀帳愁坐

十日成愁坐茫茫四望餘大聲風拔屋朔氣霧吞沙
旅夢真難續歸期未有涯故鄉煙樹外辜負一園花

答七曉發

土語殊難辨依稀得地名駝鳴天欲雨鷓噪日初晴
塞草枯無色邊風怒有聲不知開闢後曾閱幾人行

塞上偶成

寥々成遠別何處動高吟莫突訛傳事斯來識糞金
塞外多以牛糞代薪故云

角聲

一入征人耳，淒清聽未休。
北風來塞外，片月挂城頭。
鐵笛寒相和，金砧夜並愁。
年霜雪候憐，爾送殘秋。

喜他山天子，重宿博經書。
屋次寔君先，生留別

四首韻

兩年晨夕共相對，每開襟汗漫。
千秋業低徊，一片心
幽添花榭意，靜極竹牕吟。
幾處追隨徧，風林又月林。

其二

憶昨歸裝速，河橋送未能。
雲霞愁遠隔，水煙恨偏增。
老樹誰同倚，高峯每獨登。
自從分手後，夜夢批燈。

其三

且喜重相見，連宵話故情。
舊遊重省記，往事最分明。
自笑年空長，徒嗟學未成。
博經初願在，不敢負平生。

其四

知有他時別，能無舊日思。
隴梅須寄早，塞鴈恐來遲。
正使門常啟，何曾客再窺。
此來多眷，難忘獨吾師。

凍雀

紆于山下笑孤飛太息空倉生事微踏雪有誰憐歲
晚啄花無伴憶春暉那如舞鶴飄々轉只共昏鴉一
一歸解識人情愛暄暖何陽亭館暫相依

冬至後盆梅初放探春續開憶去年與他山天
子晨夕相依夙致死約時余目塞外歸南匝

月中二章并述以志感

聚散亦何常流况苦難守古來青門路往々悵分手

愁依曲渚煙望斷河堤柳客心警霜露雜緒觸詩酒
方知情親疎豈繫交暫久馳書報遠道悲喜靡不有

又

首夏忍束裝直向邊城去匹馬短後衣遙々入煙霧
大風揚黃塵白日慘欲暮原野接天長我行不識路
笳聲為何導沙磧愁屢度南雲杳難攀回首但延佇

又

西風吹征車塞北天早寒天寒念游子秋晚衣裳單

去時楊柳新歸來楊柳殘書齋喜重到卮酒開離顏
對此不能飲我心殊歎歡堂前猶秉燭豈作夢中看

又

朔氣凜寒感嚴冬又將半疎梅間緋桃紅白兩相判
呼童掃庭宇稍親書案年光逝不留暗裡已催換
故人一以別消息奈久斷我非林中禽焉得主羽翰
有情聊感舊獨坐起長歎

冬暖

嚴冬已向書氣候猶暄妍濃日映綺梳春光藹芊熙
豳風賦無褐天意或見憐循環理難推仍恐飢者寒
安得三尺雪為農兆豐年

除夕

小綰燈花顧影頻疎梅香繞繡屏新一樽已泛新年
酒半夜猶為去歲人

新柳次他山天子韻

天工原不費纏頭目倚風姨舞態柔分得玉河春水

色界含煙雨便遮樓

二

玉笛孤吹二月天
綠陰芳草正鈎連
自從情盡橋邊
別江北江南路幾千

三

未經寒食且花朝
已有遊人過畫橋
但覺風情猶似
昨不知偷長去年條

四

轉盼風光作絮吹
拂墻臨水一枝枝
人情苦愛閒挑
李肯為清陰住少時

經廢園

滿眼頽垣傍柳斜
笙歌散後只啼鴉
分明一枕繁華
夢流水聲中過落花

登樓

南樓獨上意如何
為愛明窓洗碧波
城裡人家如郭
外白鷗飛盡水田多

則靈潭

勝地傳聞久征鞍為少由虛岩雲動石老樹夏先秋
潭黑龍涎吐天青蜃氣收好奇吾有癖不負出閨遊

十八盤

望遠疑無路盤空別有天但知行樹杪不覺到山巔
下視風鳶墮來同磨蟻旋路長憐馬力未忍驟加鞭

渡上都河

山路行將盡青旌忽傍河老沙埋瓦礫古渡狎風波

我覺乘舟險八能躍馬過征天方北去無信寄駕鶴

行經席尔喀

我本耽書客那堪此地過高山風折木絕塞雨成河
興盡聊擲酒愁來易放歌暮雲行路遠歸計定如何

聞笛

寂寞窮廬夜誰吹鐵笛哀朔雲橫塞斷孤月傍山來
已分催殘柳猶能怨落梅迴思春夜永花徑日徘徊

荷花

小池清見底鏡裡曉粧紅酒醒三竿日香清一榻風
鶯窺花向背魚戲葉西東欲識亭中意君看獨立中

對月

喧：塵事絕寂：秋聲歇夜闌：風景幽霜池洗中
月

冬日書懷寄夏君先生

隙駒何奔馳歲華漸飄忽化別易消魂惜但難盡說
記當分袂時幽牕孤月白苦索由別吟毋：得四律

自從一朝違遂致千里隔憐余仲夏初迢遙亦遠適
遠適已不堪何況邊城別忽接平安書差足慰愁結
回札未及為束裝正匆迫出門不復顧道遠心如割
行：踰塞垣曠野轉蕭瑟磧度危嶺高地豁平蕪潤
早暮最嚴寒停午更煩劇消渴皆駱漿代薪惟馬勃
逢人不解語蓬鬆乍見立地冷近天山霜高疑月窟
沙漠窮荒地自古罕遊歷晝行牛羊間暮宿牛羊側
風飭倚羶帷宵深聽感窠歸來踰冬春入夏復行役

荒煙四望迷懸崖萬仞絕仄徑豈易攀深溝亦難越
加之以急雨瀑流作霹靂乍看怪石傾又見長河決
虎豹欲搏人魑魅隱荆棘疑聞歎哭聲日暮徒戰慄
較前更艱危如以一況百莽、崎嶇途寂寥皆目擊
風塵浪奔走兩負天中節光陰曾幾時歲暮凝寒雪
撫枕念前遊無端又疇昔往事竟如新分陰良足惜
青燈夜獨親絳帳今猶設偶逢臘候殘書懷寄天末
平生抱鬱思盡向此中發夢想杳何期愁心倍悽惻

春日大風

狂飈一何怒奔馳不少停來自大漠北揚沙千里驚
其色慘復暗其威縱橫復其勢若車馬其聲若雷霆
黃霧半空合白日杳冥、群峯盡掩蔽四壁愁顛傾
垂柳斷長條繁花墜新英方春損和氣此事繫非輕
安得誅封姨坐使塵埃清

桃花

看梅及春初看桃及春暮梅徑樵幽尋桃蹊炫狂顧

攢莖皆密綴簇幹各麗附紫蒂既紛披絳英復回互
齊開無次第燭爛忽下樹蒸作一天霞散為三里霧
施朱誇倚門齟齬尖當路能添馬色好不怕紅裙妬
崔護記重来劉郎想前度漁人亦何事浪被仙浪誤
我今築園亭所獲在幽趣愛花坐成癖未免紛華慕
薰顏：欲酣奪日：凝注對花成一笑感事偶屬句
終勝種薔薇針芒同瓜瓠

茉莉

柔枝低亞小房攏曲：圍屏短：叢傍檻蕊新微雨
後隔簾香透月明中
最宜秋露烹茶白以南人貯花露
以烹茶經宿
香味不散
不愛春花揮鬢紅
誰與晚涼分雅澹素馨標格
畧相同

得山亭初成

傍山起南亭疎曠延遠景平林帶蘿落上有參差嶺
空翠接簾陰夕陽散雲影風來四面宜雨過六月冷
人皆賞披豁我獨取便靜會心不在遙此致可徵領

林於塢種竹

吾聞西山竹久擅西山勝幽香生遠軒清蔭覆曲磴
老僧頗解事斷土許分贈添我一片陰檀藥別開在
庶愜幽人期不負君子性涼風吹雨來北牕醉初醒滿
院作秋聲蕭々夜深聽

玩儵亭

闌萍穿藻自沉浮坐愛開牕俯碧流莫便臨淵生羨
意已知魚樂恐垂釣

荷燈

宿鶯驚起初流螢點欲空似紗分影綠得火射波紅
小扇宜遮雨長檠慣受風夜遊方秉燭人醉畫船中

秋葵花

何妨暮捲曉還開鴨脚依稀步綠苔
葵葉如鴨脚不故名鴨脚葵
怕繞籬黃菊妬年々偏占早秋來

夢

黑甜正沉酣備然歷奇境下去竟何憑倏來亦無影

初在水之涯又在山之頂過路偏長漫夜何求
鷄鳴鐘忽動靜有時一響再塵埃間能得几人醒

述懷

園居八十日夏令方炎敲紅簾照石榴綠槐蔭芭蕉
烈日氣蒸隔林鬱如燒豈惟草木悴坐令金石銷
綿延阻及秋色更寂寥長天作急雨野澗風蕭蕭
歸鴻去不息落葉還飄搖百年曾幾何過眼同昏朝
來者日以逝者不可招及時不自廣轉瞬朱顏凋

何如漆園吏與物同道遙

重閱秋笈集

皓首歸何晚蒼顏意未降流離誠有恨英蔘果無雙
共識遺風遠從誇筆力扛聲名增絕塞學業擅吳江
賦就霜爭烈詩成月滿牕好留書卷在細讀傍銀缸

題拈不寒鴉圖

日落空林暗淒淒繞暮鴉良工施手好宜樹不宜花
秋夜有懷他山夫子次荊州編修見贈原韻

未必摧頽氣便低如何相似望雲泥池邊亦有閒風月
自別先生不忍題

其二

山亭花竹久移栽別恨匆匆又幾回舊約十年憐已

近夫子遊小園詩有種花兼種樹還費十年功夫句可能重到小園來

落葉

早是飄零不待冬為憐秋晚得霜濃落英似伴籬邊
菊傲質難隨澗底松野老掃空餘舫帶山僧行處認

孤筇却思春滿園亭日黃鳥啼殘綠影重

其二

忽疑急雨灑黃昏小巷人稀正掩門飛絮比輕還有
影枯蓬已斷總無根繞籬踏月仍三徑映竹看山又
一村未必娑娑生意盡攀條容易感涼暄

燈花

似識孤吟意徐開几硯傍養時憑火候浮處動煙光
有喜占春近無眠奈夜長殘紅隨燕尾一剪帶餘香

題畫

空山秋欲晚黃葉墜林扉月出天氣吐隔溪人始歸

冬晚園居即事

莫作舟車去頻來亦有緣樹宜冬尾瘦冰愛曉來堅
牧笛三叉路風策一綫天欲知人意樂今歲是豐年



